

Mittarfeqarfiit

**2018-imi ukiumut naatsorsuutitut kuk-
kunersiuisut oqaaseqaataat**

Imarisai

	<u>Qupp.</u>
1. Ukiumut naatsorsuutit kukkuneriorsiornerat	314
1.1 Ukiumut naatsorsuutit	314
1.2 Aarlerinaatit nalilernerat kukkunerisiuinermilu periuseq	314
1.3 Suleriaatsinik suliffeqarfimmilu nakkutilleeriaatsinik kukkunerisiuineq	315
1.4 Ukiumoortumik naatsorsuutinik naliliinermi pissutsit pingaarutillit	317
2. Ukiumoortumik naatsorsuutit pillugit oqaaseqaatit	320
2.1 Angusat nalunaarsornerat	320
2.2 Oqimaaqatigiissitsineq	322
3. Inatsisit atuutsinneqarnerannik aamma ingerlatsinermik kukkuner-siuinerit	326
4. Paasissutissat allat	327
4.1 Aqutsisut naatsorsuutininut nalunaarutaat kiisalu naatsorsuutini kukkunerit iluarsineqanngitsut	327
4.2 Naatsorsuuserinermik inatsimmik malinninneq	327
4.3 Siunnersuinerinermik ikiuunnermillu suliat	327
5. Kukkunerisiuinerinermik ingerlanneqartumik naliliineq	328
5.1 Kukkunerisiuinerinermik ingerlanneqartumik naliliineq	328
6. Kukkunerisiuinerup siunertaa annertussusia aamma akisussaaffiit agguataarnerat	328
7. Uppernarsaaneq	328

2018-imi ukiumut naatsorsuutitut kukkunerisuiusut oqaaseqaataat

1. Ukiumut naatsorsuutitut kukkunerisiorneqarnerat

1.1 Ukiumut naatsorsuutitut

Mittarfeqarfinni ukiumut 2018-imumut naatsorsuutitut aqutsisunit saqqummiunneqartut kukkunerisiornerat naammassivarput. Ukiumut naatsorsuutitut ima inerneqarput:

	2018 t.kr.	2017 t.kr.
Angusat	(26.246)	(37.732)
Pigisat nalillit	1.481.182	1.508.060
Nammineq aningaasaatit	1.344.308	1.373.481

1.2 Aarlerinaatit nalilernerat kukkunerisuiuermilu periuseq

Kukkunerisuiuineq ingerlanneqarpoq uagutsinnit kukkunerisuiuermut siunnerfilik suliarineqartoq aallaavigalugu. Kukkunerisuiuermik periutsikkut qulakkeerneqassaaq niuernikkut allaffissornikkullu ingerlatat ajunaarutaasinnaasut ukiumut naatsorsuutitut sunnuteqarsinnaasut misissoqqissaarnissaat.

Suliffeqarfimmi aqutsisunik oqaloqateqartarnerput aamma suliffeqarfiup suliaanik sammisaannillu ilisimasaqarnerput aallaavigalugit, 2018-imi kukkunerisuiuermik pilersaarusiornitsinni ingerlatsinitsinnilu naatsorsuutit kukkunernik malunnaatilinnik pilersitsisinnaasut aarlerinaatit tulliuttut maluginarpavut:

- Sanaartukkatigut pigisat nalingannik inissiineq, tassunga ilanngullugu nalikilliliinissamut pisariaqartitsinerup nalilersorneqarnera
- Ilaasunut mittarfeqarnermullu akitsuutit katersornerat akiligassiissutiginerallu

Taakkuttaaq aallaavigalugit naatsorsuutit immikkoortut suliassaqarfiillu makku kukkunerisuiuermi sukumiisumik sammineqarput:

- Pigisat tigussaasut
- Nioqqutissat uninngasuutigineqartut
- Tuniniaanermi pissat
- Akissarsianut akissaasersuutinullu aningaasartuutit
- Pisiniartarfinnut akiitsut

Sammisani allani ukiumut naatsorsuutit kukkusoqarsinnaanera nalinginnaasutut nalilerneqarpoq taamaattumik kukkunerisuiuineq annikinnerusimalluni.

1.3 Suleriaatsinik suliffeqarfimmilu nakkutilleeriaatsinik kukkunersiuiineq

Kukkunersiuiinermi ingerlatsivimmi nalunaarsueriaatsit, suleriaatsit suliffeqarfimmilu nakkutilleeriaatsit isumannaatsumik ingerlanneqarnerat aamma nalilerneqarput. Taassauma siunertaraa, ukiumut naatsorsuutinik saqqummiussinermi tunngaviit eqqortuunerat, uppersassuseqarnerat aamma piffissaq eqqorlugu naatsorsuuserinermik ingerlatsisoqartarnera qulakkeerneqarnerat.

Suliffeqarfimmi suleriaatsini nakkutilleeriaatsinilu atorneqartuni immikkut aarlerinaataasinnaasut makuusut nalilerpavut:

- Aningaasat tigoriaannaat
- Akissarsiat akissaatersuutillu allaffissornermi suliarineqarnerat
- Akiligassiineq aamma akiitsulinnut malitseqartitsineq
- Aningaasartuutinik naatsorsuuserineq aamma pisinartarfinnut akiitsut naligiissinnerat
- Sanaartornermut aningaasaliinerit Namminersorlutik Oqartussat sanaartugassanut aningaasalisutaannit taperneqartut

1.3.1 IT-mik nakkutilliissutit nalinginnaasut

Kukkunersiuiinermut atatillugu ingerlatsivimmi it-mik nakkutilliissutit nalinginnaasut misissorpavut.

IT-mik nakkutilliissutit nalinginnaasut tassaapput, ingerlatsivimmi it-mik atortuni pingaarnerni nakkutilliinerit aqutsisunit pilersinneqarsimasut, it-mik atuneq nakkutigilluakkamik aamma isumannaatsumik ingerlasinnaanera siunertaralugu, taamaaliornikkutaaq it-mik tunngaveqarluni niuernikkut ingerlatseriaatsini paasissutissanik passussineq uppersassusilik tapersorneqarsinnaaqqullugu.

Nakkutilliinitsinni maluginiarparput atuuffinnik immikkoortitsinerup annermik ukkatarineqarnissaanik pisariaqartitsineqartoq. Atuuffimmik naammattumik immikkoortitsisinaannginneq atuisunut pisinnaatitsissuteqartunut aarlerinaammik nassataqartitsivoq, suliamut atatillugu pisariaqartitsinerit sinnerlugit pisinnaatitaasut aqqissuussami iliutsinik siunertaanngitsunik iliuseqarsinnaapput ingerlatsiviup pisariaqartitaanut naapertuutinngitsunik.

Aqqissuussat Axapta aamma Lessor misissorneqartariaqarput aamma taakkunani inissitsiterinerni atuuffimmik immikkoortitsineq toqqissisimanartoq pilersinneqarsimanersoq paasinialugit.

Iserinnaasunik aqutsineq (atuisunik pilersitsineq aamma pisinnaatitsissutinik tunniussineq) aningaasaqarnermik immikkoortortap avataani inissinneqartariaqarpoq.

Aamma paasivarput atuisunik allaffissornermik periusissanik nukittunerusunik pilersitsisoqarnissaanik pisariaqartitsineqartoq. Allaffissorneq, nakkutilliineq aamma aqqissuussanut isissutinik, paasissu-

tissanut aamma it-mik nukissanut allanut periusissiat amigaataasut imaluunniit sanngiitsut, tamakku-nunnga pisinnaatitsissuteqarani isersinnaanermut aarlerinaammik qaffassaapput taamaaliornikkullu aarlerinaateqartillugu it-mik isumannaallisaaneq ingerlatsiviup pisariaqartitsineranut naapertuutinngitsoq.

Aaqqissuussanut suliaqarfinnullu piffissakkuutaartumik isissutissanik pisinnaatitsissutinillu nalilee-qittarneq minnerpaamik ukiumoortumik ingerlanneqartariaqarpoq pisortatigoortumillu uppernar-sarneqarluni.

Atorfimmit soraartoqarneranut imaluunniit suliassaqarfimmut allanut nikinnermi piffissaatillugu Lessorimi atuisunik atorunnaarsitsineq nukittorsartariaqarpoq.

Allanngortitsinernik ingerlatsinernik aqutsinermi atuuffinnik naammanngitsumik immikkoortitsisin-naannginnerup nassataanik aarlerinaatit qaffattarput pisortatigoortumik change management procedure/allanngortitsinernik aqutsinermi najoqqutassaq malinneqartinnagu, aamma tassunga atotorissaarutit atorneqarsinnaajunnaarsillugit imaluunniit ungasinnerusumi aserfallatsaaliinermik aamma ikiorneqarnermik ingerlatsiffigineqarsinnaajunnaartarput ingerlatsiviup pisariaqartitsinera naapertorlugu.

Innersuussutigaarput, pilersitsinermik suliassaqarfinni tunisassioinermik ingerlatsisunut ineriartortitsinermik suliallit (suliffeqarfiup iluani taamatullu avataani ineriartortitsinermik suliallit), aallaavittut umerussamut isissummik taamaallaat tunineqartarnissaat. Nalinginnaanngitsumik tamanna naammassanngikkaluarpat tapiliutitut nakkutilliinernik pilersitsisoqassaaq, aalajangersakkanik amerlassusilinnik nakkutilliinernik ingerlatsisoqartarluni pilersitsinermik suliassaqarfimmi allannguutit misiligarneqareersut akuerisaasullu kisimik ingerlanneqartaqqullugit (ass. Suliamut isernerit aamma isertunik piffissakkuutaartumik misissuinerit).

1.3.2 Peqquserluttoqarsinnaanera pillugu qullersaqarfimmik oqaloqateqarneq

Kukkunersiunermik pilersaarusiornitsinnut atatillugu ingerlatsivimmi qullersaqarfik peqquserluttoqarsinnaanera pillugu apequteqarfigaarput.

Qullersaqarfiup ilisimatippaatigut namminneq naliliinertik naapertorlugu peqquserluttoqarsimasinnaanera qularnartoq ingerlatsivik pitsaasumik nakkutilleeriaaseqarmat, ukiumut naatsorsuutit kukkunernik malunnaatilinnik imaqarsinnaanerannik pinngitsoortitsisunik, taassumalu iluani naatsorsuinermi uukapaatitsiniarluni suliffeqarfiullu pigisaannik atonerluiniarluni kukkusumik paasissutissiinerup pinngitsoornissaamik qulakkeerisoqartartoq.

Qullersaqarfik aamma nalunaarpoq peqquserlunniarnernik ilisimasaqaratik imaluunniit peqquserlussimasinnaasunik maannakut misissuinerinik ingerlatsisoqanngitsoq. Kukkunersiunitsinni

peqquserlunniarnerup kingunerisinnaasaanik naatsorsuutini kukkunernik nassaarsimannginnerput nalunaarutigaarput.

1.3.3 Mittarfeqarfiit aamma naalackersuisoqarfiup akornanni ataatsimiittarnerit

Kukkunersiuisutut iliuusitta ilaattut Mittarfeqarfiit aamma naalackersuisoqarfiup akornanni ataatsimiinnerit ingerlanneqarsimasut misissorsimavagut. Taamaattoq ukiumut kukkunersiuiinnermut atatillugu paasivarput ataatsimiinnernit taakkunanga imaqarnilianik suliaqartoqarsimanngitsoq. Innersuussutigissavarput siunissami ataatsimiinnernit taamaattunik pisortatigoortumik imaqarnilianik suliaqartoqartaqqullugu, ataatsimiinnerni aalajangiiniusinnaasut uppersaateqarsinnaaqqullugit.

1.4 Ukiumoortumik naatsorsuutininik naliliinermi pissutsit pingaarutillit

Kukkunersiuiinnermi pissutsit pingaarutillit nalilerneranni aqutsisut ukiumut nalunaarummik naliliinerannut immikkut taasasaqarpoq.

1.4.1 Suleriaatsit aamma namminerisamik nakkutilliinerit

Suleriaatsit aamma namminerisamik nakkutilliinerit ilaatigut siunertaraat, kukkunerit amigaatillu piaarinaatsoornikkut piaaraluniluunniit iliuuserisat pinngitsoortinnissaannut qulakkeerinnissalluni, ilaatigut sulisut tapersorsorumallugit – taakkununga minnerunngitsumik sulisut nutaat ilanngullugit – allaffissornermik suliaassanik ingerlatsineranni.

2016-imi innersuussutigaarput ERP-mik aaqqissuussamik nutaamik atulersitsinnermut atatillugu nakkutilliinerit pisariaqartut pilersinneqarnissaat pingaartinneqartariaqartoq, soorlu nakkutilliinnermut illersorneqarsinnaasumut tapertaasussanik pisinnaassutsimik aamma piginnaasanik pisariaqartunik pissarsiniarnissaq pingaartinneqaqqullugu.

Tassunga atatillugu allaffissornermi ingerlatseriaatsit aamma nammineq nakkutilliinnermik ingerlatseriaatsit arlalippassuit allaaserisatut suliarineqarsimapput.

Taamaattoq kukkunersiuiinnermi paasivarput, nakkutilliinerit tamakkua arlalippassuit ingerlanneqarsimanngitsut – imaluunniit naammaginatsumik pitsaassusilimmik ingerlanneqarsimanngitsut – ukiup ingerlanerani aamma ukiup suliffiusup naammassineqarneranut atatillugu.

Tamatuma saniatigut paasinarpoq, nakkutilliinnermik ingerlatsinerup nakkutigineqarnera naammassimanngitsoq.

Naatsorsuutininik suliaqarnermi atugassat pitsaassusiannik ingerlaavartumik qulakkeerinninnerup amigaataanerata kingunerai, ukiumut naatsorsuutit naammassineqarneranni suliffeqarfimmi annermik

sulisariaqarneq, nakkutilliilluni suliassat ilarparujussui piffissamut sivisunermut attuumassuteqarmata, ukiup ingerlanerani ingerlaavartumik nakkutilliinernik suliaqartarnikkut pinngitsoorneqarsinnaasunik.

Aamma isumaqarpoq uagut kukkunersiuiinermik ingerlatsinerput suliassaqaarfinni tamaginni misileraalluni misissuineramik tunngaveqartissinnaanngikkipput, kisianni inissitsitikkat ataasiakkaat misileraaffigalugit ingerlatsi-sariaqarluta, sulineramik ilungersunarnerusumik kinguneqartumik.

1.4.2 ETOPS-inik ammaanernut atatillugu isertitat

Isumannaallisaanermik piumasaaqat pissutigalugu timmisartuutileqatigiiffiit marlunnik motoorilinnik ingerlatsisut timmisartuussinerminnut atatillugu ajornartoormi mittarfimmik nalunaaruteqartussaataapput. Mittarfeqarfiit ammasarfiisa nalinginnaasut avataatigut ajornartoormi mittarfittut nalunaarutigineqartillugu timmisartuutileqatigiiffik ammaaneq pillugu akiligassinneqarsinnaavoq. Mittarfeqarfiit Globalogimik isumaqatigiissuteqarsimavoq, taanna timmisartuutileqatigiiffiit angalanermut pilersaarutaanni paasissutissanik pissarsiniarnermut immikkut piginnaasaqarpoq, tassunga ilanngullugit ajunaalernermi mittarfittut atugaasartut pillugit, taakkua ajunaalernermi mittarfimmik atuinerat tunuliaqutaralugu Mittarfeqarfiit sinnerlugit timmisartuutileqatigiiffimmut ETOPS-imut ammaanermi akitsuutininik akiliuteqaqqusissutinik suliaqartarput.

Mittarfeqarfiit IT-mik akitsuutininik akiliuteqaqqusissutinut aaqqissuussamik nutaamik – Airport 2010 - atugaqalernerisa kingorna, ingerlatsivik nammineerluni akiliuteqaqqusissutinik ingerlassanik nakkutilliinermik suliaqarsinnaalerpoq. Taassuma kinguneranik Globalogip akitsuutininik akileeqqusissutaasa aamma Mittarfiit akitsuutininik akileeqqusissutaasa akornanni nikingassutit paasineqarput. Nikingassutit naatsorsuutini kukkusumik paasissutissiinermik malunnaatilimmik nassataqanngillat, kisianni aqutsisunut innersuussutigaarput, siunissami Globalogip aamma Airport 2020-p akornanni akiligassiissutit aamma naatsorsuuserinerup ataqatigiinnerat qulakkeeqqullugu akiligassiissutit assigiissaarneqarnerat qulakkeerneqaqullugu.

Nunani tamalaani timmisartuutileqatigiiffiit ETOPS-imik ammaanermut akitsuutininik akileerusussuseqarnissaannut aqutsisut ukiut siuliinisut nalorninertik pissutigalugu, ETOPS-imik ammaanerit pillugit Globalogip akitsuutininik akileeqqusissutaanit pissat, mianersortumik naatsorsorneqarsimapput. Akiitsutinilli suli akiluteqarsimangitsut akiliinissaminnilluunniit nalunaaruteqarsimangitsut pillugit akiligassaat 100 %-imik annaasaqaataassussatut inissinneqassasut aallaavigineqarput.

Tassanga naatsorsuuserinermik suliaq isumaqatigaarput aamma annaasaqaatitut illuartitsinermik naliliinerup tunuliaqutai eqqarsarluarnermik tunngaveqartutut isigaavut, annaasanik matussusiil-luarsinnaasutut.

1.4.3 Avatangiisinut pisussaaffiit nunaminertat pissusitoqaannut uterteqqinnerannut tunngasut

Sumiiffinni assigiinngitsuni Mittarfeqarfiit sulianik ingerlatsipput tamaani illuutit sanaartukkallu siunissami matuneqavissinnaapput Namminersorlutik Oqartussanit taamannak aalajangiiffigineqarsimappata. Kalaallit Nunaanni nunaminertanik atuisinnaanermut inatsit naapertorlugu, nunaminertanik atuisut qimatsinermi sumiiffik qimatartik salissimassavaat nunaminertarlu pissusitoqaannut uterteqqinneqassalluni. Mittarfeqarfiit angusat aallaavigalugit ingerlatsivittut Namminersorlutik Oqartussat ataanni inissisimammat, aqutsisut naliliinerat naapertorlugu piginnittussaatitaasut tassaapput Namminersorlutik Oqartussat, taamaattumillu tassunga pisussaaffik Mittarfeqarfimmiigani.

Tamanna tunuliaqutaralugu Mittarfeqarfiit ukiumut naatsorsuutaani pisussaaffiit naatsorsorneqanngillat imaluunniit ilisimatitsissutigineqanngillat. Suliffeqarfiup sanaartukkatigut pigisaasa nalingannik naliliinermi pingaaruteqarpoq maluginiassallugu, tassunga soorunami ilanngullugit mittarfiit nalingannik il.il. inissiineq.

1.4.4 Sanaartukkatut pigisat nalingannik inissiineq

Mittarfeqarfiit ulluinnarni sulinermi akiligassanik tunngaveqarluni naatsorsuuserineri periuseqarpoq, kisianni ukiumoortumik naatsorsuutit saqqummiunneqartarput aningaasartuutini tunngaveqarluni naatsorsuuserinermik periuseqarluni. Periutsit taakkua assigiinngissutaat pingaarneq sanaartukkatigut aningaasaliissutinik passussinermut tunngassuteqarpoq, akiligassat aallaavigalugit naatsorsuuserineri piffissaq pissarsiffiusoq akiligassatut nalunaarsorneqartarluni, aningaasartuutilli aallaavigalugit naatsorsuuserineri sanaartukkatigut aningaasaliissutit naatsorsuutini aallartitsisarlutik, pigisallu ataasiakkaat aserfallakkiartornerat ilutigalugu nalikillilivigineqariartulersarput.

Mittarfeqarfiit ingerlatsinermini akigititanut politikki atukkani naapertorlugu, sanaartukkatigut pigisani ernialersinnaanngilai aamma nalikillisinnaanngilai. Tamanna isumaqarpiarpoq pigisat nalingi - ingerlatsivimmit immikkoortikkaanni – qaffasippallaamik naleqartinneqartut.

Taamaattoq Mittarfeqarfiit Namminersorlutik Oqartussat inatsisaata ilaanniinera pissutigalugu, Mittarfeqarfiup pigisaasa ilai akileraarutinit akilersugaapput – soorlu nutaatut aamma aningaasaliiffigineqaqqittut aningaasaleeriaaseq taanna malillugu pissarsiarineqartartut.

Namminersorlutik Oqartussat suliffeqarfiutaasa namminersortitat naatsorsuuseriveqarnerat pillugu nalunaarut naapertorlugu, sanaartukkatigut pigisanik nalikillilinerit ingerlanneqassapput, nalikillilivigineq qaangiutertortuunngippat.

Ulloq naatsorsuuseriffik nalikillilivigineq pisariaqartitsineq taanna, aqutsisunit naliliiffigineqarsimangilaq, ilanngullugu nunap naqqanik allanngortoqarneranut tunngasuni (nunami qeriuannartumi allannguutit) aamma/imaluunniit timmisartoqarfiit allanngornerisa kingunerinik.

Taamaattumik uagut aalajangerpugut, ukiumut naatsorsuutini kukkuneriusutut makkuninnga oqaaseqaateqassalluta:

”Sanaartukkatigut pigisanik naliliinermi aamma taakkuninnga nalikilliliinerit ingerlanneqarput una siunertaralugu, ingerlatsiviup nukissanik atuineranik ersersitsiniaanermut takussutissatut, sanaartukkatigut pigisat ernialerneqarsinnaanerannut aamma nalikilliliiffiqarsinnaanerannut periarfissat eqqarsaatiginagit, Aningaasanut inatsit aqutugalugu aningaasaliissutissat pissarsiarineqartarnerat pissutigalugu.

Namminersornerullutik Oqartussat suliffeqarfiutaasa namminersortitatut ingerlasut pillugit nalunaarut naapertorlugu, sanaartukkatigut pigisat nalikillilernerqartassapput pigisap nalinga aallaavigalugu, sanaartukkatigut pigisat akimigut nalikillippat – aamma nalikilliliineq qaangiutertortuunngippat.

Ulloq 31.12.2018, aqutsisut naatsorsuutini nalillit inissitsiterneqarsimasut nalikillisariaqarnerannik pisariaqartitsineranut tunngavissanik uppersaatissaqarsimangillat, nunap allanngornerata kinguneranik mittarfiit akornuserneqarsimaneranut tunngassuteqartuni - imaluunniit Kalaallit Nunaanni mittarfeqarfinnik allanngortiterinissamik pilersaarusiortoqarnerata kingunerinik.

Taamaattumik sanaartukkatigut pigisat, soorlu Kangerlussuarmi mittarfiit, inissiivissat il.il. katillugit 290 mio.kr.-inik nalilernerqarnerat uagut nangaassuteqarpugut.”

2. Ukiumoortumik naatsorsuutit pillugit oqaaseqaatit

Immikkoortup imarai naatsorsuutini inissitsitikkani atasiakkaani nakkutilliinitsinnit paasisavut. Naatsorsuutini inissitsikkat taakku immikkoortumi matumani ilaanngitsut kukkuneriusutut oqaaseqaasiornissamat tunngavissiisimangillat.

2.1 Angusat nalunaarsornerat

2.1.1 Kaaviiartitat aamma nioqutissanik atuneq

Angallannermit isertitat ilimanarnerulersinneqarput Air Greenland A/S-imit naatsorsukkat tigueqartunut tunngasumik.

Kaaviiartitat nioqutissanillu atuinerup eqqortumik piffissalersorneqarnerat misissugassanik tiguisarluni nakkutilliivigineqarput. Kaaviiartitat isumaqatigiissutinik tunngavillit isumaqatigiisummi tunngavik naapertorlugu ingerlanneqarnerat misiliutinik tiguisarluni nakkutilliivigineqarput.

Ilanngullugu ukiunut siusinnerusunut sanilliussilluni ineriartormik missingersuutillu misissoq-qissaarnerannik ingerlatsinermik suliat pissarsiariniarsimavagut, taassuma iluani matussusiisinaassutsimik misiliut.

Hotelinit isertitat kukkuneruunitsinni maluginiarpagut, kaaviiartitat, nioqutissat atukkat aamma Narsarsuarmi Kangerlussuarmilu ineeqqat atorneqartut pillugit nakkutilliinernik amerlasuunik ingerlatsisoqartartoq, taakkuali uppersaaserneqarneq ajorput, tamanna uagut naammaginngilarput. Siunissami nakkutilliinerit uppersaaserneqartarnissaat innersuussutigaarput.

Ilanngullugu innersuussutigiumavarput, hotelimi allaffissornermik aaqquissuussinermi atorneqartup Picasso aamma finansip akornanni qaammatikkuutaartumik naleqqatigiissaarisoqartassasoq.

Kaaviiartitanik aamma nioqutissat atukkat ikummatissamik tunisinermut tunngasut kukkuner-siorneqarnerat ukiut siuliinisut matussusiisinaassusiannik paasiniaanikkut ingerlanneqarpoq. Ikummatissanut kaaviiartitat taakkununga uppersaasat atorlugit nakkutilliiffiqineqarpoq.

Taassuma saniatigut kukkuneruineq oqaaseqaasiornissamut tunngavissiinnigilaq.

2.1.2 Sulisoqarnermut aningaasartuutit

Ukiup ingerlanerani akissarsisitsisarnermi suleriaatsit misissuiffiqisarsimavagut soorlutaq ukiumut naatsorsuutiniq saqqummiussinermut atatillugu, naatsorsuuserinermi, akissarsialerineri suleriaatsinik Akileraartarnermullu Qullersaqarfimmullu nalunaarusiaasartut akornanni oqimaqatigiissiterit pillugit paasissutissanik aallersimavugut, aamma akissarsiat allagartaat, atorfiit pillugit isumaqatigiissutit aamma akissarsiassat pillugit isumaqatigiissutit aallaavigalugit akissarsiat tunniunneqartut misissuiffiqisimavut.

Aningaasaqarnermut aqutsissut, akissarsialerineq aamma nalunaaruteqartarnermut aqutsissut Sulinal akornanni ingerlaavartumik qaammammullu ingerlatsiviup naleqqatigiissitsineranut ikiuussimavugut. Taamatutaaq 2018-imi ukiup naaneranut atatillugu aqutsisut naatsorsuuserinermi naleqqatigiissitsineranni ikiuppugut. Suliami tassani nikingassutit 6 t.kr.-inik annertussusilik paasivarput, akissarsiatut akiitsut naatsorsuuserinermik ingerlatsiffiusimasut aamma akissarsialerineri akiitsutut nalunaarsorneqarsimasut akornanniittut aamma kingorna Sulinalimut akilerneqarsimasut. Nikingassut pingaaruteqannitsutut isigaarput.

Misissuunitsinni paasivarput Mittarfeqarfinni sulisut amerlajaat nammineq isumaqatigiissuteqarfialugit atorfeqartinneqartut, tamanna namminersorlutik oqartussat suliffeqarfiutaanni namminersortitani isumaqatigiissut naapertorlugu inerteqqutaavoq.

Aqutsisunit suliaq aallartinneqarpoq, sulisut nammineq isumaqatigiissutaannit sulinermik isumaqatigiissummut nuussinissamut tunngasoq, taamaaliornikkut Mittarfeqarfiit namminersorlutik oqartussat suliffeqarfiutaanni namminersortitani atorfeqarnermut piumasaqaatinik naammassinissinnaaqullugit.

Suliaq taanna 2018-imi nanginneqassaaq, kisianni suli naammassineqavinngilaq.

Sulisoqarnermut aningaasartuutit qulaani taaneqartut kukkunersiorneqarnerat aamma nakkutilliinernik piareersakkanik ingerlatsiuarnissaq amigaataasoq eqqaassanngikkaanni, soorlu immikkoortumi 1.4.1 allaaserigipput, immikkoortoq oqaaseqaammik saqqummiussinissamut pissutissiinnngilaq.

2.1.3 Angusat nalunaarsorneranni nalunaarsorneqartut allat

Aningaasartuutit nakkutilliiffigineqarput akiligassat allattorsimaffiinik suliaqarnermi periutsit nakkutilliiffigalugit misilerarneqarpoq.

Angusat nalunaarsorneqarneranni inissitsikkanik misissuineramik ingerlatsivugut taamatullu ukiut siuliini nalunaarsukkanut missingersuummullu assersuussinermik ingerlatsilluta.

Tassunga oqaaseqaammik saqqummiussinissaq pissutissiinnngilaq.

2.2 Oqimaaqatigiissitsineq

2.2.1 Sanaartukkat tigussaannngitsut

Namminersornerullutik Oqartussat suliffeqarfiutaasa namminersortitat naatsorsuuseriveqarnerat il.il. pillugu Namminersornerullutik Oqartussat nalunaarutaat nr. 25, 26. november 1998-imeersoq § 10 naapertorlugu, namminersorlutik oqartussat suliffeqarfiutaasa namminersortitat sanaartukkat tigussaannngitsut soorlu softwarenut il.il. aningaasaliinerit aningaasaliissutitut atuutsissinnaannngilaat.

Taamaattoq ASA-mit akuersissut aallaavigalugu namminersorlutik oqartussat suliffeqarfiutaanni namminersortitani ileqqunngoriartorpoq pigisat taamaattut naatsorsuutininut ilanngunneqartalernerat.

2.2.2 Sanaartornermi atortuutit pigisat

Namminersorlutik oqartussat suliffeqarfiutaannut naatsorsuuserisarneq pillugu nalunaarut naapertorlugu, sanaartornermi pigisat nalillit nalilerneranni, tunngavissat allassimasut naapertoqqissaarlugit ingerlatsiviup naatsorsuutaasa oqimaaqqatigiissinneqarneranni taakkua ilanngunneqassapput.

Erseqqissaatigineqassaaq Mittarfeqarfiup sanaartornermi pigisat nalillit ulluinnarni naatsorsuuserinermi ingerlaavartumik ilanngunneqanngimmata – taamaattumillu ukiumut naatsorsuutininik saqqummiussinermut atatillugu ingerlatsinermi, oqimaaqqatigiissitsinermi aamma nammineq pigisani nalunaarsugassartaat kingullinngortut kisiisa ilanngunneqartarlutik.

Deloitte, suliffeqarfiup sanaartornermi pigisai nalillit nalunaarsuganngorlugit allattugaataalernerannut ikiuussimavoq.

Naatsorsuutigineqarpoq suliassaq taanna Mittarfeqarfiit 2019-imi tigussagaat.

Peqataaneq

Mittarfiit aamma uninngasarfiit saniatigut, pigisat nalunaarsukkatut katersaniittut ataasiakkaat suussusersiuminaapput – paarlattuanik pigisatut nalunaarsukkat aallaavigalugit pigisat piusut ataasiakkaat suussusersiuminarput.

Innersuussutigissavarput ingerlatseqatigiiffimmit pigisat ataasiakkaat suli pigineqarnerannik sumiinerannillu immikkut ittumik nakkutilliissasut – tassunga ilanngullugu nakkutilliffigalugu pigisat allattorsimaffiata kiisalu pigisat tigussaasut akornanni taakkorpiat imminnut assingunerat – taamaaliornikkut qulakkeerneqarsinnaaqqullugu paasisutissat pigisat pillugit allattorsimaffimmi nutaami eqqortuunerat.

Pissarsiat- aamma pigiuinnaakkat

Kukkunersiuinermut atatillugu pigisat pissarsiat pigiuinnaakkaallu akornanni uppernarsaatissat misissorpavut, naliliivugut ingerlatsiviup ingerlatsinermut siunertaqartumik nutaanik pissarsisarnera atuutsitsilerner/nalikilliliinera naatsorsuuserineq pillugu nalunaarummi maleruaqqusat naapertorlugit ingerlanneqartoq.

Uppernarsaanermik pitsaanerusumik eqqarsaatersortoqartariaqarpoq, pigisat aserfallatsaalineqarnerat pineqarnerisq – taakkua ingerlatsinermi naatsorsuuserineqassagamik – imaluunniit pitsanngorsaanerit pineqarnerisut, taakkununnga atuutsinneqalissagamik.

Ukiumut 15 mio.kr.-it tikillugit nutaamik aningaasaliinerit aamma aningaasaleeqqinnerit aningaasalersorneqarsinnaapput ingerlatsiviup ingerlatsinermi kaaviiartitai (akigititanik akiliisitsineq) aqqu-tigalugit, taakkuali aallaavittut qaangerlugit aningaasaliinerit naalakkersuisut aningaasanik inatsisissaanni sanaartornermut atugassiissutigineqartartut atorlugit pissariarineqartarput.

Ukiumi 19,2 mio.kr.-it nalingannut nutaanik pissarsisoqarsimavoq, taakkua 2018-imi naatsorsuutini sanaartornermi aningaasaliissutinut ilanngunneqarput.

Sanaartornermi aningaasaliissutit

2018-imi sanaartornermi aningaasaliissutit katillugit 4.846 t.kr.-iupput, taakkua Aningaasanut Inatsit aqqu-tigalugu aningaasaliissutigineqartut.

Aningaasanut Inatsit aqputigalugu sanaartornermut aningaasaliissutit atorlugit akiligassanut akiliutit uppersaataat misissugassanik tiguisarluta nakkutilliffigisarpavut.

2018-imi sanaartornermut naatsorsuutininik saqqummiussisoqanngilaq.

Nalimik aalajangiineq

Erseqqissaatigineqassaaq Mittarfeqarfiit ukiumut naatsorsuutininik saqqummiussineranut atatillugu, naatsorsuuserinermik periutsimik allaaserisaq naapertorlugu mittarfiit ataasiakkaat naqqi nalikilliliiffigineqarneq ajormata.

Innersuussutigissavarputtaaq allaaserisaq 1.4.4 takoqqullugu.

Aserfallatsaaliinermi kinguaattoorneq

Ingerlatsivimmit aserfallatsaaliinermi kinguaattoorutit 1.066,8 mio.kr.-it missaannittut naatsorneqarput. Ileqqorissaarneq naapertorlugu erseqqissaatigineqassaaq, aserfallatsaaliinermik kinguaattoorummik naatsorsuineq tunngaviatigut ukiuni ataasiakkaani nalikilliliinerit aamma aningaasaleeqqinnerit assi-giingissutaannik aallaaveqarmata. Taamaattumik kinguaattoorutit taggissaq taamaaqqissaar-tuunngilaq soorlu ingerlatsiviup sanaartornermi atortuutininik pigisaanut akit ineriartornerat naatsor-suunneqarsimanngillat.

Naatsorsuutit pillugit maleruaqqusaq nutaaq

Ulloq 1. januar 2018, namminersorlutik oqartussat suliffeqarfiutaannut namminersortitanut naatsorsuutit pillugit maleruaqqusaq nutaaq atuutilerpoq.

Mittarfeqarfimmit aatsaat maleruaqqusaq nutaaq ulloq 01.01.2019 atornerpoq.

Naatsorsuutit pillugit maleruaqqusap nutaap kinguneranik Mittarfeqarfiit siunissami ukiumut naatsor-suutininik periutsit suliffeqarfinnut namminersortunut atuuttut atorlugit saqqummiussisinnalissaq, maleruaqqusat namminersorlutik oqartussat suliffeqarfiutaannut namminersortitanut atuutinngitsut minillugit.

Pigisat sanaartukkat ullumikkutut pisiarineranni akiaq ilanngunneqassaaq piffissap ingerlanerani nalikil-liartuaarnerat ilanngaatilugit – taamaattoq nalip qaffasinnerpaap assigissavaa ilanngaatisat ilanngaa-tigereerlugit pigisat nalingat piviusunngortinneqarsinnaasoq (ilanngaatisat ilanngaatigereerlugit piffis-sami aalajangersimasumi nalimik aalajangersimasumik inissiineq).

Allatut oqaatigalugu, ilanngaatisat ilanngaatigereerlugit isertitassat nalikilliliinernut matussusiisin-naangippata, taava pigisat nalingat nalikillilerneqassapput, taamaaliornikkut nalikilliliinerit inger-laavartut sinneruttut ilanngaatisat ilanngaatigereerlugit isertitassat iluanissinnaaqqullugit.

Manna takillugu Mittarfeqarfiit nalikilliliisarnerat suliffeqarfiup isertitaasa iluanni matussuserneqarsinnaasangillat, taamaattumik naatsorsuuserinermi periutsip nutaap nassatarisaanik qularnanngitsumik nalikilliliinernik pisariaqartitsinermik nassataqassaaq.

Suliffeqarfiup qulaani allannguutit taagorneqartut aqutsisut nalunaarutaanni ilanngussimavaat.

2.2.3 Nioqqutissat toqqorsivimmiittut

Ulloq 31.12.2018 nioqqutissat toqqorsivimmiittut ingerlatsivimmi sulisunit namminneq kisinneqarput. Kingorna nioqqutissanik toqqorsiveqarfik Kangerluassuarmi tikillugu, uppersaataat tigusiffigisarlugit misissuivugut.

Nioqqutissaat toqqorsivinniittut nalilerneqarnerisa uppersaataat tigusiffigisarlugit kukkunersiorpavut, taakkununga ilanngullugit pisoqalisoorut.

Pisoqalisoornernut taasarialimmik nuussisoqarsimavoq nioqqutissap normuanut immikkut erseqqissaatitaqarluni. Nioqqutissat assigiinngitsukkuutaartut atorneqarunnaarsimasut naleqanngitsut ilanngunneqarsimapput. Naliliivugut nioqqutissat pisoqalisoorut assigisaallu nalingisa matussutissaannik naammattumik immikkoortitsisoqarsimasoq.

Taamatuttaaq pissarsiarisat- aamma tunisat misissuiffigineqarnerat ingerlatsivimmit suliarineqartoq nakkutilliiffigaarput (nakkutilliinermik ingerlatsineq).

2.2.4 Tunisinernit kiffartuussinernillu pissat

Nioqqutissanik kiffartuussinernillu tunisanit pissat ulloq 31.12.2018 100 mio.kr.-it missaanniipput.

Akiitsullit akiliinngitsuugaannut katillugit 15.764 t.kr.-it illuartinneqarsimapput (2017-imi 11.570 t.kr.-it).

Nalikillineqartut pingaarnerit tassaapput ETOPS-init pissanit annaasat naaperiarniarlugit nalikilliliinerit.

ETOPS-imik kiffartuussinerit pillugit IATA-p akornanni isumaqatigiinnginneq suli piuvoq, ajornartorsiulli ukiut ingerlanerini annikinnerulerpoq. Taamattoq suli pissat pillugit illuartitsineq ilungersortumik isigineqarpoq, sullitap akornanni akiligassaq isumaqatigiinngissutigineqarami.

Ingerlatsiviup akileeqqusissutinik ingerlatseriaasia 2018-imi naapertuutinngitsumik atuppoq, taamaattumik avataanit pissat akilerneqarsimanngitsut malunnaatilimmik qaffariarput (55 mio.kr.-it miss.). Pissat ullunit 90-init pisoqaanerusut amerleriarput aamma taakkununga akileeqqusissutinik nassiussuineq 2019imi aatsaat aallarteqqinneqarpoq.

Air Greenland A/S-imit pissat tigusat uppersarneqarnerannut naleqqatigiissitsinermik ingerlatsiffineqarput.

Annaasaqarsinnaanermut matusisinnaajumalluni aqutsisut annaasanut illuartitsinerat isumaqatigaarput.

2.2.5 Tigoriaannaat

Paasivarput, aningaaserivimmi atuisutut pisinnaatitsissutit siornali iluarsineqartussaagaluit kukkuneruinerup aallartinnerani sulii aqqinneqarsimanngitsut.

Tamanna aarlerinaammik imaqarpoq, aningaaserivimmi pisinnaatitsissutit pisariaqanngitsut ammaannarnerat. Pisinnaatitsissutit kingorna matuneqarput.

Taamaattumik innersuussutigineqarpoq, periutsinik aalajangersimasunik eqqussisoqaqqullugu, sulisunut atorfeqarunnaasimasunut pisinnaatitsissutit nungusarneqarnerannut aamma pisinnaatitsissutilittut akuersissuteqartunut uppersaatip nutarsarneqarneranut qulakkeerinnissutit.

2018-ip aallartinnerani akiligassanik suliaqartarnek unammillernartorsiorpoq. Tamanna aamma isumaqarpoq ingerlatsivik aningaasanik tigoriaannarnik annertuumik ilungersuuteqartoq.

3. Inatsisit atuutsinneqarnerannik aamma ingerlatsinermik kukkuneruinerit

Namminersorlutik Oqartussat suliffeqarfiutaasa namminersortitat naatsorsuuseriveqarnerannut nalunaarummik nutaamik Mittarfeqarfiit aatsaat 2019 aallarnerfigalugu atuilissaaq.

Taassuma nassataanik inatsisit atuutsinneqarnerannik kukkuneruineq soorlutaq ingerlatsinermik kukkuneruinerit siunissami ingerlatsisoqartalissaaq.

2018-imi ukiumut naatsorsuutit kukkuneruorneqarnerannut atatillugu, iliuutsinik amerlanngikkaluani ingerlatsivugut siunissami inatsisit atuutsinneqarnerannik kukkuneruinerup ilaattut ingerlanneqartussanik.

Siornatigut paasinikuuarpot, Mittarfeqarfinni sulisut arlaqaqisut inuttut ataasiakkaatut isumaqatigiissutit tunngavigalugit atorfeqartut, namminersorlutik oqartussat suliffeqarfiutaani sulisunut inerteqqutaagaluartoq.

Sulisut inuttut ataasiakkaatut isumaqatigiissutit tunngavigalugit atorfeqartut isumaqatigiissutit aallaavigalugit atorfilittut inissinneqarnissaannut suliaq aqutsisunit aallartinneqarpoq, taamaaliornikkut

Mittarfeqarfiit namminersorlutik oqartussat suliffeqarfiutaanut atorfeqartitsinermut piumasaqaatinik naammassinnissinnaaqqullugit.

Suliaq taanna 2018-imi ingerlateqqinneqarpoq sulili naammassineqarani.

2018-imi kukkunersiuinermut atatillugu paasivarput, sulisunut suliani tamatigut uppersaataat pisariaqartoq pigineqartanngitsoq, taakkununga ilanngullugit ilinniarsimanermut uppersaataat (CV), ukiut suliffigisimasat tunngavigalugit naatsorsuinerit taamatullu atorfininnermi isumaqatigiissutit sulisitsisumit sulisumiillu atsiorneqarsimasut.

4. Paasissutissat allat

4.1 Aqutsisut naatsorsuutinit nalunaarutaat kiisalu naatsorsuutini kukkunerit iluarsineqanngitsut

Suliassaqarfinnut kukkunersioruminaatsunut kukkunersiuinermi ukioq naatsorsuuseriffiusoq 2018 pillugu, qullersaqarfik uagutsinnut naatsorsuutit pillugit uppersaammik saqqummiussipput.

2018-imi kukkunernik iluarsineqanngitsunik paasisaqartoqanngilaq.

4.2 Naatsorsuuserinermik inatsimmik malinnineq

Nakkutilliivigaarput ingerlatsivimmit suliassaqarfinni pingaarutillinni tamaginni naatsorsuuserinermik inatsit malinneqartoq.

4.3 Siunnersuinerimik ikiunnermillu suliat

1. juni 2018 kukkunersuisut oqaaseqaataannik tunniussinitta kingorna ingerlatsivik sinnerlugu makkunanga suliaqarpugut:

- Sanaartukkat allattorsimaffianik malinnaatitsinermik ulloq 31.12.2018.
- Agguataarinerit pillugit naatsorsutit kukkunersiornerinik misissueqqinneq
- Akissarsiat naligiissinneqarnerat
- Pisortanik naatsorsuuserinermullu ikiunnerit allat

5. Kukkuersiuiermik ingerlanneqartumik naliliineq

5.1 Kukkuersiuiermik ingerlanneqartumik naliliineq

Ukiuumut naatsorsuutit kukkuersiuisutut nangaassuteqarluta uppersarpavut Kangerlussuarmi mittarfiup il.il. nalilerneqarnerannut tunngassuteqartumik, taamaattoq paasissutissanik ilanngussanik ilalernagit.

Ukiup naammassinerani kukkuersiuiermik ingerlatsinitsinni oqaaseqaatit erseqqissakkat ingerlatsivimmi pisortanut ingerlaavartumik nalunaarutigineqartarsimapput.

6. Kukkuersiuiernerup siunertaa annertussusia aamma akisussaaffiit agguataarnerat

Ulloq 5. maj 2017 oqaaseqaatitsinni kukkuersiuiernerup siunertaa, annertussusia aamma ingerlanneqarnera, kukkuersiuisut nalunaaruteqartarnerat kiisalu aqutsisut aamma kukkuersiuisut akornanni akisussaaffiup agguataarsimanera allaaserineqarput. Taanna innersuussutigaarput.

7. Uppersarsaaneq

Inatsisit naapertorlugit nalunaarutigissavarput, inatsit malillugu kinaassusersiortuunnginnissamut piumasagaat naammassineqarsimammat kiisalu kukkuersiuiermik ingerlatsinitsinni paasissutissat qinnutigisavut tamaasa pissarsiarisarsimagatsigik.

Nuuk, ulloq 6. maj 2018

Deloitte

Statsautoriseret Revisionspartnerselskab

Bo Colbe

kukkuersiuisoq naalagaaffimmit akuerisaasoq

Atuutilersut

Ruth Lindhardt
Naalackersuisoqarfimmi pisortaq
Ineqarnermut Naalackersuisoqarfik

Niels Grosen
Pisortaagallartoq